



**DET KONGELIGE  
LANDBRUKS- OG MATDEPARTEMENT**

Boazodoallostivra  
C/O Boazodoallohálddahus Áltá  
Poastaboksa 1104  
9504 Alta

Din čuj.	Min čuj.	Beaivi
	10/47-	14.2.2013

## **GOHČČUN DAHKAT MEARRÁDUSA BOAZODOALLOLÁGA § 60 MIELDE**

Eanandoallo- ja biebmodepartemeanta čujuha dasa ahte Boazodoallostivra čoahkkimis guovvamánu 7.b.2013 ii leat mearridan makkár áigemearrái boazolohku galgá unniduvvon gorrelogu mielde, nu go dii lehpet geatnegahttojuvvon 2007 geassemánu 15. beaivvi nr. 40 Boazodoallolága § 71 vrd. § 60 mielde.

Departemeanta gohčču dan vuodul Boazodoallostivrra dahkat mearrádusa nugo láhka gáibida. Dás vuollelis mii čielggadat duogáža dan dillái mii lea čuožžilan, ja departemeantta árvvoštallama áššis.

### **1.ÁŠŠI DUOGÁŠ**

Boazodoallostivrra válđi ja geatnegasvuodát bohtá ovdan boazodoallolágas. Boazodoallostivra lea geatnegahttojuvvon meannudit áššiid lága vuodul ja gonagasa dárkilet mearrádusaid vuodul, vrd. § 71. § 60 goalmát lađđasa mielde lea Boazodoallostivrra ovddasvástádus ahte boazologu unnideapmi čađahuvvo, ja sii galget mearridit áigemeriid goas boazologuid unnideapmi galgá čađahuvvot.

§ 71 njealját lađđasa mielde lea Eanandoallo- ja biebmodepartemeanta ođđajagimánu 5.beaivvi 2009 mearridan njuolggadusaid Boazodoallostivrra nammadeapmái ja doibmii. Dat čilge earret eará Boazodoallostivrra válđdi ja doaimmaid. Njuolggadusa § 9 mielde lea Boazodoallostivra almmolaš hálddašanorgána mii galgá mieldeváikkuhit dasa ahte eiseválddit jukset boazodoalu bajitdási ulbmiliid Stuoradikki mearrádusaid vuodul. Njuolggadus maid čilge makkár konkreta doaimmaid Boazodoallostivra galgá dahkat. Njuolggadusa 15 čuoggá mielde galgá Boazodoallostivra fuolahit ahte jos siiddas lea menddo alla boazolohku, de galgá dat vuoliduvvot, vrd. Boazodoallolága § 60 goalmát lađđasa”.

Boazodoallostivra mearridii guovvamánu 7.beaivvi 2013 boazodoallostivračoahkkimis manjdit áššemeannudeami čuovvovaš áššiin 1/13-63/13, 65/13-89/13 ja 91/13-124/13. Čoahkinbeavdegirjji mearrádusat leat ná čállojuvvon:

### **“Meannudeapmi.**

Berit Marie P.E.Eira, Alf Johansen, Jon Anders Mortensson ja Johan Anders Oskal ovddidedje čuovvovaš mearrádusárvalusa:

“ Mearriduvvon boazologu unnideapmi Finnmárkkus, lea ealáhusa stuorimus rievdadus oppalohká. Boazodoallostivra lea stáhtalaš eiseválddiiguin mángga oktavuodas váldán ovdan olmmošlaš beliid maid dát ášši mielddisbukta.

Boazodoallostivra čujuha maiddái Riikarevišuvdna raportii, ja Stuoradikki meannudeapmái, gos boahdá ovdan ahte lea dehálaš ahte gávdnojit fáaldagat sidjiide geat fertejit/válljejit guođđit ealáhusa. Boazodoallostivra oaidná ahte árvalusat eai leat vuhtiiváldojuvvon, ja danne lea váttis dál dahkat mearrádusa boazologu unnideami birra ovttaskas siiddaoassái.

Boazodoallostivra áigu danne vuordit dassá go reviderejuvvon našunálabušeahhta lea mearriduvvon, ovdal go dahket mearrádusa.”

**Jienasteapmi:** Berit Marie P.E.Eira, Alf Johansen, Jon Anders Mortensson ja Johan Anders Oskal árvalus mearriduvvui 4 jienain 3 jiena vuostá.

### **Mearrádus:**

Ášši manjiduvvo.

## **2. DEPARTEMEANTTA ÁRVVOŠTALLAMAT**

Boazodoallostivra manjidii meannudeamis measta buot áššiid mat ledje ovddiduvvon stivrii, dainna ákkain ahte sii áigot vuordit dasságo reviderejuvvon našunálabušeahhta lea mearriduvvon.

Boazodoallostivrras ii leat láhkavuodđu ii lága iige njuolggadusaid ektui dahkat dákkár mearrádusa. Boazodoallostivrras ii leat váldi bissehit dáid áššiid dainna ákkain ahte áigot vuordit vejolaš ekonomalaš doaibmajuid boazologugeahpedeami oktavuodas. Dat lea politihkalaš gažaldat.

Almmolaš hálddašanorgánan, mii geatnegahttojuvvo čuovvut boazodoallolága ja njuolggadusaid, ja masa gullet doaimmat ollašuttit boazodoallopolitihkalaš bajitdási ulbmiliid Stuoradikki mearrádusaid vuodul, lea Boazodoallostivrras geatnegasvuohta dahkat mearrádusaid mat gusket áigemeiriide čađahit boazologu unnideami gorrelogu mielde.

Eanandoallo- ja biebmodepartemeanta gohčču dán vuodul Boazodoallostivrra dahkat mearrádusaid mat gusket áigemeiriide čađahit boazologu unnideami gorrelogu mielde buot áššiin mat manjiduvvojedje guovvamánu 7.beivvi 2013. Dát galgá čađahuvvot boahhte Boazodoallostivrra čeahkkimis guovvamánu 26.-27.b. 2013.

Dearvuodat

Anne Marie Glosli (f.m.)  
ekspedišuvdnahoavda

Marit Myklevold  
ossodatdirektevra

Dokumeanta lea vuolláičállojuvvon elektronalaččat ja danne dat ii leat gieđain vuolláičállojuvvon.